

宋
名
家
詞

六一詞

目錄

採桑子

詞十三

朝中措

詞一

歸自謠

詞三

長相思

詞三

訴衷情

詞一

踏莎行

詞二

望江南

詞一

減字木蘭花

詞五

生查子

詞二

瑞鷓鴣

詞一

阮郎歸

詞五

蝶戀花

詞十七

六一言十一
一
一
一

漁家傲

三十一調

玉樓春

廿九調

南歌子

一調

御街行

一調

虞美人影

二調

臨江仙

二調

聖無憂

一調

浪淘沙

五調

定風波

六調

驀山溪

一調

浣溪沙

九調

御帶花

一調

虞美人

一調

鶴冲天

一調

夜行船

二調

洛陽春

一調

一叢花

一調

雨中花

一調

千秋歲

一調

越溪春

一調

賀聖朝影

一調

洞天春

一調

憶漢月

一調

清平樂

二調

應天長

二調

涼州令

一調

南鄉子

二調

鵲橋仙

一調

芳草渡

一調

□□□

一調

更漏子

一調

摸魚兒

一調

少年遊

三調

行香子

一調

鷓鴣天

一調

六一詞目錄

終

六一詞

宋 歐陽脩

採桑子

輕舟短棹西湖好
綠水逶迤芳草長
堤隱隱笙歌處處隨
無風水面琉璃滑
不覺船移微動
漣漪驚起沙禽掠岸飛

又

春深雨過西湖好
百卉爭妍蝶亂蜂喧
晴日催

六一言
一
花暝欲然 蘭橈画舸悠悠去疑是神仙返照
波間水闊風高颺管絃

又

画舫載酒西湖好急管繁絃玉盞催傳穩泛平
波任醉眠 行雲却在行舟下空水澄鮮俯仰
畱連疑是湖中別有天

又

羣芳過後西湖好狼籍殘紅飛絮濛濛垂柳闌

千盡日風 笙歌散盡遊人去始覺春空垂下
簾櫳雙燕歸來細雨中

又

何人解賞西湖好佳景無時飛蓋相追貪向花
間醉玉卮 誰知閒凭闌干處芳草斜暉水遠
煙微一點滄洲白鷺飛

又

清明上巳西湖好滿目繁華爭道誰家綠柳朱

輪走鈿車 遊人日暮相將去 醒醉諠譁路轉
堤斜直到城頭總在花

又

荷花開後西湖好 載酒來時不用旌旗前後紅
幢綠蓋隨 画舫撐入花深處 香泛金卮煙雨
微微一片笙歌醉裏歸

又

天容水色西湖好 雲物俱鮮鷗鷺閒 眠應慣尋

常聽管絃 風清月白偏宜夜一片瓊田誰羨
驂鸞人在舟中便是仙

又

殘霞夕照西湖好花塢蘋汀十頃波平野岸無
人舟自橫 西南月上浮雲散軒檻涼生蓮芰
香清水面風來酒面醒

又

平生爲愛西湖好來擁朱輪富貴浮雲俯仰流

六一言
三
年二十春 歸來恰似遼東鶴城郭人民觸目
皆新誰識當年舊主人

又

畫樓鐘動君休唱往事無蹤聚散匆匆今日歡
娛幾客同 去年綠鬢今年白不覺衰容明月
清風把酒何人憶謝公

又

十年一別流光速白首相逢莫話衰翁但鬪尊

前語笑同 勸君滿酌君須醉盡日從容画鷁
牽風卽去朝天沃舜聰

又

十年前是樽前客月白風清憂患凋零老去光
陰速可驚 鬢華雖改心無改試把金觥舊曲
重聽猶似當年醉裏聲

朝中措

平山堂

平山闌檻倚晴空山色有無中手種堂前垂柳

別來幾度春風
文章太守揮毫萬字一飲千
鍾行樂直須年少尊前有取衰翁

歸自謠

蘇軾陽春錄
名歸國謠

何處笛深夜夢回情脉脉竹風簷雨寒窗隔
離人幾歲無消息今頭白不眠特地重相憶

又

春豔豔江上晚山三四點柳絲如剪花如染
香閨寂寂門半掩愁眉斂淚珠滴破胭脂臉

又

寒水碧水上何人吹玉笛扁舟遠送瀟湘客
蘆花千里霜月白傷行色來朝便是關山隔

長相思

舊刻四首攷深画眉淺画眉一首
花間集刻白樂天尊前集刻唐無

名氏今

刪去

蘋滿溪柳遶堤相送行人溪水西回時隴月低
煙霏霏風淒淒重倚朱門聽馬嘶寒鷗相對

飛

又

花似伊柳似伊花柳青春人別離
低頭雙淚垂
長江東長江西兩岸鴛鴦兩處飛
相逢知幾

時

又

深花枝淺花枝深淺花枝相竝
時花枝難似伊
玉如肌柳如眉愛著鵝黃金縷衣
啼粧更爲

誰

訴衷情

或刻山谷但清晨簾幕作味簾繡
幕易成傷作恨難忘擬歌作未歌

清晨簾幕卷輕霜呵手試梅粧都緣自有離恨
故画作遠山長
思往事愔流芳易成傷擬歌
先歛欲笑還顰最斷人腸

踏莎行

候館梅殘溪橋柳細草熏風暝搖征轡離愁漸
遠漸無窮迢迢不斷如春水
寸寸柔腸盈盈
粉淚樓高莫近危闌倚平蕪盡處是春山行人

更在春山外

又

雨霽風光春分天氣千花百卉爭明媚畫梁新
燕一雙雙玉籠鸚鵡愁孤睡 薜荔依牆莓苔
滿地青樓幾處歌聲麗驀然舊事上心來無言
歛皺眉山翠

望江南

江南蝶斜日一雙雙身似何郎全傳粉心如韓

壽愛偷香天賦與輕狂
微雨後薄翅膩煙光
纔伴遊蜂來小院又隨飛絮過東牆長是爲花
忙

減字木蘭花

畱春不住燕老鶯慵無覓處說似殘春一老應
無却少人風和月好辨得黃金須買笑愛惜
芳時莫待無花空折枝

又

傷懷離抱天若有情天亦老此意如何細似輕
絲渺似波扁舟岸側楓葉荻花秋索索細想
前歡須著人間比夢間

又

樓臺向曉淡月低雲天氣好翠幕風微宛轉梁
州入破時香生舞袂楚女腰肢天與細汗粉
重勻酒後輕寒不著人

又

画堂雅宴一抹朱絃初入
遍慢撚輕籠玉指纖
纖嫩剝葱撥頭惚利怨月愁花無限意紅粉
輕盈倚暝香檀曲未成

又

歌檀歛袂繚繞雕梁塵暗起柔潤清圓百琲明
珠一綫穿櫻唇玉齒天上仙音心下事畱住
行雲滿坐迷魂酒半醺

生查子

或刻秦少游

去年元夜時花市燈如畫
月斜柳梢頭人約黃昏後
今年元夜時月與燈依舊
不見去年人淚滿春衫袖

又

或刻張子野

含羞整翠鬢得意頻相顧
雁柱十三絃一一春鶯語
嬌雲容易飛夢斷知何處
深院鎖黃昏陣陣芭蕉雨

瑞鵬鳩

楚王臺上一神仙眼色相看意已傳見了又休
還似夢坐來雖近遠如天隴禽有恨猶能說
江月無情也解圓更被春風送惆悵落花飛絮

兩翩翩

阮郎歸

東風臨水日嘶山春來長是閒落花狼籍酒闌
珊笳歌醉夢間春睡覺晚粧殘無人整翠鬢
畱連光景憺朱顏黃昏獨倚闌

又

南園春早踏青時
風和聞馬嘶
青梅如豆柳如眉
日長蝴蝶飛
花露重草煙低
人家簾幕垂
鞦韆慵困解羅衣
画梁雙燕棲

又

上三闕並藏陽春集各首從源

角聲吹斷隴梅枝
孤窗月影低
塞鴻無限欲驚飛
城烏休夜啼
尋斷夢掩深闈
行人去路迷
門前楊柳綠陰齊
何時聞馬嘶

又

劉郎何日是來時
無心雲勝伊
行雲猶解傍山
扉郎行去不歸
強勻画又芳菲
春深輕薄衣
桃花無語伴相
息陰陰月上時

又

落花浮水樹臨池
年前心眼期
見來無事去還
息而今花又飛
淺螺黛淡燕脂
閒粧取次宜
隔簾風雨閉門時
此情風月知

蝶戀花

舊刻二十二首及選夜亭集閒信
步是李中五等六首關于俱若樹

又簾幕風輕雙語燕俱見珠玉詞獨倚
危樓風細細又簾下清歌簾外晏俱見
樂章集今

俱剛去

簾幙東風寒峭峭雪裏梅香先報春來早紅蠟
枝頭雙燕小金刀剪綵呈纖巧旋暝金爐熏
蕙藻酒入橫波困不禁煩惱繡被五更春睡好
羅幃不覺紗窗曉

又

南雁依稀回側陣，雪霽牆陰遍。覺蘭芽嫩，中夜
夢餘消酒困。鑪香卷穗燈生暈。急景流年都
一瞬。往事前懽，未免縈方寸。臘後花期知漸近。
東風已作寒梅信。

又

臘雪初消梅蕊綻，梅雪相和喜鵲穿花。轉睡起
夕陽迷醉眼。新愁長向東風亂。瘦覺玉肌羅
帶緩。紅杏梢頭二月春。猶淺望極不來芳信斷。

音書縱有爭如見

又

海燕雙來歸画棟
簾影無風花影頻移動
半醉騰騰春睡重
綠鬢堆枕香雲擁
翠被雙盤金縷鳳
憶得前春有箇人人
共花裏黃鸝時一弄
日斜驚起相思夢

又

面旋落花風蕩漾
柳重煙深雪絮飛來往
雨後

輕寒猶未放春愁。酒病成惆悵。枕畔屏山圍
碧浪。翠被華燈夜夜。空相向。寂寞起來。褰繡幌。
月明正在梨花上。

又

一見陽春錄易安
李氏稱是六一詞

庭院深深深幾許。楊柳堆煙。簾幙無重數。玉勒
雕鞍遊冶處。樓高不見章臺路。雨橫風狂三
月暮。門掩黃昏無計畱。春住淚眼。問花花不語。
亂紅飛過鞦韆去。

六一詞

汲古閣

又

永日環隄乘綵舫
煙草蕭疎恰似晴江上
水浸碧天風皺浪
菱花荷葉隨雙槳
紅粉佳人翻麗唱
驚起鴛鴦兩兩飛
相向且把金尊傾美釀
休息往事成惆悵

又

越女採蓮秋水畔
窄袖輕羅暗露雙
金釧照影摘花花似面
芳心只共絲爭亂
鷓鴣灘頭風

浪晚霧重煙輕不見來時伴
隱隱歌聲歸棹遠
離愁引著江南岸

又

水浸秋天風皺浪縹緲仙舟只似秋天上和露
採蓮愁一餉看花却是啼粧樣折得蓮莖絲
未放蓮斷絲牽特地成惆悵歸棹莫愁花蕩漾
江頭有箇人相望

又

一刻同叔
一刻子瞻

梨葉初紅蟬韻歇銀漢風高玉管聲淒切枕簟
乍涼銅漏徹誰教社燕輕離別草際蟲吟秋
露結宿酒醒來不記歸時節多少衷腸猶未說
珠簾夜夜朦朧月

又

亦載陽
春錄

誰道閒情拋棄久每到春來惆悵還依舊日日
花前常病酒不辭鏡裏朱顏瘦河畔青蕪堤
上柳爲問新愁何事年年有獨立小橋風滿袖

平林新月人歸後

又

翠苑紅芳晴滿目
綺席流鶯上下長
相逐紫陌閒隨金
轆轤馬蹄踏遍春
郊綠一覺年華春
夢促往事悠悠百
種尋息足煙雨滿
樓山斷續人閒倚
遍闌干曲

又

小院深深門掩亞
寂莫珠簾画閣重
重下欲近

禁煙微雨罷綠楊深處獸羆挂
傳粉狂遊猶未捨不念芳時
眉黛無人面薄倖未歸春去也
杏花零落香紅謝

又

亦賦陽
春錄

幾日行雲何處去忘了歸來不道春將算百草
千花寒食路香車繫在誰家樹
淚眼倚樓頻獨語雙燕來時陌上相逢否
撩亂春愁如柳絮
依依夢裏無尋處

又

欲過清明煙雨細
小檻臨窗點點殘花墜
梁燕語多驚曉睡
銀屏一半堆香被
新歲風光如舊歲
所恨征輪漸漸程
迢迢縱有遠情難寫寄
何妨解有相思淚

又

畫閣歸來春又晚
燕子雙飛柳軟桃花淺
細雨滿天風滿院
愁眉斂盡無人見
獨倚闌干心

緒亂芳草芊綿尚憶江南岸風月無情人暗換
舊遊如夢空腸斷

又

嘗愛西湖春色早臘雪方銷已見桃開小頃刻
光陰都過了如今綠暗紅英少且趁餘花謀
一笑況有笙歌豔態相縈繞老去風情應不到
憑君剗把芳尊倒

漁家傲

舊刻三十二首攷南宮設來窺品
格又楚國細腰元自瘦俱晏元獻

公作令

剛去

一派潺湲流碧漲新亭四面山相向翠竹嶺頭
明月上迷俯仰月輪正在泉中漾更待高秋
天氣爽菊花香裏開新釀酒美賓嘉真勝賞紅
粉唱山深分外歌聲響

又

十月小春梅蕊綻紅爐画閣新裝遍錦帳美人
貪睡暝羞起晚玉壺一夜冰漸滿樓上四垂

六一詞

十六

汲古閣

簾不卷天寒山色偏宜遠風急雁行吹字斷紅
日短江天雪意雲撩亂

又

與趙康

靖公

四紀才名天下重三朝構厦爲梁棟定冊功成
身退勇辭榮寵歸來白首笙歌擁 顧我薄才
無可用君恩近許歸田壠今日一觴難得共聊
對捧官奴爲我高歌送

又

暝日遲遲花裊裊人將紅粉爭花好花不能言
惟解笑金壺倒花開未老人年少 車馬九門
來擾擾行人莫羨長安道丹禁漏聲衢鼓報催
昏曉長安城裏人先老

又

紅粉牆頭花幾樹落花片和驚絮牆外有樓
花有主尋花去隔牆遙見鞦韆侶 綠索紅旗
雙彩柱行人只得偷回顧腸斷樓南金鎖戶天

六一詞 十七
欲弄流鶯飛到鞦韆處

又

妾本錢塘蘇小妹芙蓉花共門相對昨日爲逢
青傘蓋慵不採今朝斗覺凋零黯 愁倚画樓
無計奈亂紅飄過秋塘外料得明年秋色在香
可愛其如鏡裏花顏改

又

花底忽聞敲雨漿逡巡女伴來尋訪酒盞旋將

荷葉當蓮舟蕩時時蓋裏生紅浪
花氣酒香清斲釀花腮酒面紅
相向醉倚綠陰眠一餉驚
起望船頭閣在沙灘上

又

葉有清風花有露葉籠花罩鴛鴦侶
白錦頂絲紅錦羽蓮女妬驚飛不許
長相聚日脚沉紅天色算清涼傘上
微微雨早是水寒無宿處須
回步枉教雨裏分飛去

又

荷葉田田青照水。孤舟挽住花陰底。昨夜蕭蕭
疎雨墜。愁不寐。朝來又覺西風起。雨擺風搖
金盞碎。合歡枝上香房翠。蓮子與人長厮類。無
好意。年年苦在中心裏。

又

葉重如將青玉亞。花輕疑是紅綃挂。顏色清新
香脫灑。堪長價。牡丹怎得稱王者。雨筆露牋

勻彩画日爐風炭熏蘭麝天與多情絲一把誰
厮惹千條萬縷縈心下

又

一刻
同叔

粉蕊丹青描不得金針線線功難敵誰傍暗香
輕採摘風淅淅船頭觸散雙鷓鴣夜雨染成
天水碧朝陽偕出胭脂色欲落又開人笑憐秋
氣逼盤中已見新荷葍

又

六一詞

十九

汲古閣

喜鶴填河仙浪淺雲併早在星橋畔
街鼓黃昏霞尾暗炎光歛金鈎側側
天西面一別經年今始見新歡往恨
知何限天上佳期貪眷戀良宵短人
間不合催銀箭

又

乞巧樓頭雲幔卷浮花催洗嚴粧面
花上蛛絲尋得遍顰笑淺雙眸望月
牽紅線奕奕天河光不斷有人正在
長生殿暗付金釵清夜半千

秋願年年此會長相見

又

別恨長長歡計短疎鐘促漏真堪怨此會此情
都未半星初轉鸞琴鳳樂怱怱卷 河鼓無言
西北眇香蛾有恨東南遠脉脉橫波珠淚滿
心亂離腸便逐星橋斷

又

九日歡遊何處好黃花萬蕊雕欄遶通體清香

六一詞

汲古閣

無俗調天氣好煙滋露結功多少
日脚清寒
高下照寶釘密綴圓斜小落葉西園風嫋嫋催
秋老叢邊莫厭金樽倒

又

青女霜前催得綻金鈿亂散枝頭徧落帽臺高
開雅宴芳尊滿按花吹在流霞面
桃李三春
雖可羨鴛來蝶去芳心亂爭似仙潭秋水岸香
不斷年年自作茱萸伴

又

露裊嬌黃風擺翠人開晚秀非無意仙格淡粧
天與麗誰可比女真裝束真相似 筵上佳人
牽翠袂纖纖玉手按新葢美酒一盃花影膩邀
客醉紅瓊芙蓉作熏熏媚

又

對酒當歌勞客勸惜花只惜年華晚寒豔冷香
秋不管情眷眷凭闌盡日愁無限 思抱芳期

隨塞雁悔無深意傳雙燕悵望一枝難寄遠人
不見樓頭望斷相思眼

又

以下元刻續添
次玉樓春後

正月斗杓初轉勢金刀剪綵功夫異稱慶高堂
歡幼稚看柳意偏從東面春風至 十四新蟾
圓尚未樓前乍看紅燈試冰散綠池泉細細魚
欲戲園林已是花天氣

又

二月春畊昌杏密百花次第爭先出惟有海棠
梨第一深淺拂天生紅粉真無匹 画棟歸來
巢未失雙雙欸語怜飛乙畱客醉花迎曉日金
盞溢却憂風雨飄零疾

又

三月清明天婉婉晴川祓禊歸來晚況是踏青
來處遠猶不倦秋千別閉深庭院 更值牡丹
開欲遍醪醑壓架清香散花底一樽誰解勸增

春戀東風向晚無情絆

又

四月園林春去後深深密幄陰初茂折得花枝
猶在手香滿袖葉間梅子青如豆風雨時時
添氣候成行新筍霜筠厚題就送春詩幾首聊
對酒櫻桃色照銀盤澗

又

五月榴花妖豔烘綠楊帶雨垂垂重五色新詩

纏角粽金盤送生綃画扇盤雙鳳
正是浴蘭時節動菖蒲酒美清尊
芙蓉裏黃鸝時一啜猶
鬢鬆等閒驚破紗窗夢

又

六月炎天時霎雨行雲涌出奇峯
露沼上嫩蓮腰束素風兼露梁王
宮闕無煩暑畏日亭亭殘蕙炷
傍簾乳燕雙飛去碧盃敲冰傾玉
處朝與暮故人風快涼輕度

又

七月新秋風露早
渚蓮尚折庭梧老是處
瓜華時節好金尊倒
人間綵縷爭祈巧
萬葉敲聲涼乍到
百蟲啼晚煙如掃
箭漏初長天杳杳
人語悄那堪夜雨催清曉

又

八月秋高風歷亂
衰蘭敗芷紅蓮岸
皓月十分光正滿
清光畔年年常願瓊筵看
社近愁看

歸去燕江天空闊雲容漫宋玉當時情不淺成
幽怨鄉關千里危腸斷

又

九月霜秋秋已盡
煨林敗葉紅相映
惟有東籬黃菊盛
遺金粉人家簾幕重陽近
曉日陰陰晴未定
授衣時節輕寒嫩
新雁一聲風又勁
雲欲凝雁來應有吾鄉信

又

重前畧異
仍舊並刻

六一詞

汲古閣

十月小春梅蕊綻紅樓西閣新粧遍鴛帳美人
貪睡暝梳洗嬾玉壺一夜輕澌滿樓上四垂
簾不卷天寒山色偏宜遠風急雁行吹字斷紅
日晚江天雪意雲撩亂

又

十一月新陽排壽宴黃鍾應管添宮線獵獵寒
威雲不卷風頭轉時看雪霰吹人面南至迎
長知漏箭書雲紀候冰生研臘近探春春尚遠

閒亭院梅花落盡千千片

又

十二月嚴凝天地閉莫嫌臺榭無花卉惟有酒
能欺雪意增豪氣直教耳熱笙歌沸 隴上雕
鞍惟數騎獵圍半合新霜裏霜重鼓聲寒不起
千人指馬前一雁寒空墜

玉樓春

風遲日媚煙光好綠樹依依芳意早年華容易

卽凋零春色只宜長恨少
池塘隱隱驚雷曉
柳眼未開梅萼小
尊前貪愛物華新
不道物新人漸老

又

西亭飲散清歌闋
花外遲遲宮漏發
塗金燭引紫騮嘶
柳曲西頭歸路別
佳辰只恐幽期闕
密贈殷勤衣上結
翠屏魂夢莫相尋
禁斷六街清夜月

又

春山歛黛低歌扇暫解吳鈎登祖宴畫樓鐘動
已魂銷何況馬嘶芳草岸青門柳色隨人遠
望欲斷時腸已斷洛陽春色待君來莫到落花
飛似霰

又

尊前擬把歸期說未語春容先慘咽人生自是
有情癡此恨不關風與月離歌且莫翻新闕

一曲能教腸寸結直須看盡洛城花始共春風
容易別

又

洛陽正值芳菲節穠豔清香相間發遊絲有意
苦相縈垂柳無端爭贈別 杏花紅處青山缺
山畔行人山下歇今宵誰肯遠相隨惟有寂寥
孤館月

又

殘春一夜狂風雨斷送紅飛花落樹人心花意
待畱春春色無情容易去 高樓把酒愁獨語
俗問春歸何處所算雲空闊不知音惟有綠楊
芳草路

又

常憶洛陽風景媚煙暎風和添酒味鶯啼宴席
似畱人花出牆頭如有意 別來已隔千山翠
望斷危樓斜日墜關心只爲牡丹紅一片春愁

來夢裏

又

池塘水綠春微暝
記得玉真初見面
從頭歌韻
響錚鏦入破舞腰紅亂旋
玉鈎簾下香堦畔
醉後不知紅日晚
當時笑我賞花人
點檢如今
無一半

又

兩翁相遇逢佳節
正值柳綿飛似雪
便須豪飲

敵青春莫對新花羞白髮
人生聚散如弦筈
老去風情尤惜別
大家金盞倒垂蓮
一任西樓
低曉月

又

西湖南北煙波闊
風裏絲簧聲韻咽
舞餘裙帶
綠雙垂酒入香腮紅一抹
盃深不覺瑠璃滑
貪看六么花十八
明朝車馬各東西
惆悵画橋
風與月

又

燕鴻過後春歸去，細算浮生千萬緒。來如春夢
幾多時，去似朝雲無覓處。聞琴解佩神仙侶，
挽斷羅衣畱不住。勸君莫作獨醒人，爛醉花間
應有數。

又

蝶飛芳草花飛路，把酒已嗟春色算當時。枝上
落殘花，今日水流何處去。樓前獨遶鳴蟬樹。

憶把芳條吹暝絮紅蓮綠艾亦芳菲不柰金風
兼玉露

又

別後不知君遠近觸目淒涼多少悶漸行漸遠
漸無書水闊魚沉何處問夜深風竹敲秋韻
萬葉千聲皆是恨故欲單枕夢中尋夢又不成
燈又燼

又

六一詞

二十九

汲古閣

紅條約束瓊肌穩拍碎香檀催急袞隴頭嗚咽
水聲繁葉下間關豈語近 美人才子傳芳信
明月清風傷別恨未知何處有知音常爲此情
畱此恨

又

檀槽碎響金絲撥露溼潯陽江上月不知商婦
爲誰愁一曲行人畱夜發 画堂花月新聲別
紅蕖調長彈未徹暗將深意祝膠弦惟願絃絃

無斷絕

又

春蔥指甲輕攏撚五彩垂條雙袖卷雪香濃透
紫檀槽胡語急隨紅玉腕 當頭一曲情何限
入破錚鏦金鳳戰百分芳酒祝長春再拜歛容
擡粉面

又

金花盞面紅煙透舞急香茵隨步皺青春才子

有新詞紅粉佳人重勸酒
也知自爲傷春瘦
歸騎休交銀燭候
擬將沉醉爲清歡
無奈醒來
還感舊

又

雪雲乍變春雲簇
漸覺年華堪送目
北枝梅蕊
犯寒開南浦
波紋如酒綠
芳菲次第還相續
不奈情多無處足
尊前百計得春歸
莫爲傷春
歌黛感

又柳

黃金弄色輕於粉
濯濯春條如水嫩
爲緣力薄未禁風
不奈多嬌長似困
腰柔乍怯人相近
眉小未知春有恨
勸君著意惜芳菲
莫待行人攀折盡

又

珠簾半下香銷印
二月東風催柳信
琵琶傷畔且尋思
鸚鵡前頭休借問
驚鴻過後生離恨

六一詞

汲古閣

紅日長時添酒困未知心在阿誰邊滿眼淚珠
言不盡

又

沉沉庭院鬢吟弄日暝煙和春氣重綠楊嬌眼
爲誰回芳草深心空自動倚闌無語傷離鳳
一片風情無處用尋思還有舊家心蝴蝶時時
來役夢

又

去時梅萼初凝粉不覺小桃風力損梨花最晚
又凋零何事歸期無定準 闌干倚遍重來凭
淚粉偷將紅袖印蜘蛛喜鵲誤人多似此無憑
安足信

又

酒美春濃花世界得意人人千萬態莫教辜負
豔陽天過了堆金何處買 已去少年無計奈
且願芳心長恁在閒愁一點上心來算得東風

六一詞

汲古閣

吹不解

又

湖邊柳外樓高處望斷雲山多少路闌干倚遍
使人愁又是天涯初日暮輕無管繫狂無數
水畔花飛風裏絮算伊渾似薄情郎去便不來
來便去

又

南園粉蝶能無數度翠穿紅來復去倡條冶葉

恁畱連飄蕩輕于花上絮
朱闌夜夜風兼露
宿粉棲香無定所多情翻却似無情贏得百花
無限妬

又

子規

江南三月春光老月落禽啼天未曉露和啼血
染花紅恨過千家煙樹杪雲垂玉枕屏山小
夢欲成時驚覺了人心應不似伊心若解思歸
歸合早

又

東風本是開花信及至花時風更緊吹開吹謝
苦匆匆春意到頭無處問把酒臨風千萬恨
欲掃殘紅猶未忍夜來風雨轉離披滿眼淒涼
愁不盡

又

陰陰樹色籠晴晝清淡園林春過後杏腮輕粉
日催紅池面綠羅風卷皺佳人向晚新粧就

圓膩歌喉珠欲溜當筵莫放酒盃遲樂事良辰
難入手

又

芙蓉鬪暈胭脂淺畱著晚花開小宴画船紅日
晚風清柳色溪光晴照暝美人爭勸梨花盞
舞困玉腰羃縷慢莫交銀燭促歸期已祝斜陽
休更晚

南歌子

六一詞

汲古閣

鳳髻金泥帶龍紋玉掌疏走來窗下笑相扶愛
道画眉深淺入時無
弄筆假人久描花試手
初等閒妨了繡功夫笑問雙鴛鴦字怎生書

御街行

天非華豔輕非霧來夜半天明去來如春夢不
多時去似朝雲何處乳鷄洒燕落星沉月統統
城頭鼓 參差漸辨西池樹朱閣斜欹戶綠苔
深徑少人行苔上屐痕無數遺香餘粉剗衾閒

枕天把多情賦

虞美人影

梅梢弄粉香猶嫩
欲寄江南春信
別後寸腸縈
損說與伊爭穩
小爐獨守寒灰燼
忍淚低頭
畫盡眉上萬重新
恨竟日無人問

又

鶯愁燕苦春歸去
寂寂花飄紅雨
碧草綠楊岐
路況是長亭暮
小年行客情難訴
泣對東風

無語目斷兩三煙樹翠隔江淹浦

臨江仙

柳外輕雷池上雨雨聲滴碎荷聲小樓西角斷
虹明闌干倚處待得月華生燕子飛來窺画
棟玉鈎垂下簾旌涼波不動簾紋平水精雙枕
傷有墮釵橫

又

記得金鑿同唱第春風上國繁華如今薄宦老

天涯十年岐路空負曲江花
聞說閩山通閩苑樓高不見君家
孤城寒日等閒斜離愁難盡
紅樹遠連霞

聖無憂

世路風波險千年一別須臾人生聚散長如此
相見且歡娛好酒能消光景春風不染髭鬚
爲公一醉花前倒紅袖莫來扶

浪淘沙

把酒祝東風且莫從容垂楊紫陌洛城東總是
當時攜手處遊遍芳叢聚散若匆匆此恨無
窮今年花勝去年紅可惜明年花更好知與誰
同

又

花外倒金翹飲散無慘柔桑蔽日柳迷條此地
年時曾一醉還是春朝今日舉輕撓帆影飄
飄長亭回首短亭遙過盡長亭人更遠特地魂

銷

又

五嶺麥秋殘
荔子初丹絳
紗囊裏水晶丸
可惜天教生處遠
不近長安
往事憶開元
妃子偏憐
一從魂散馬嵬關
只有紅塵迷驛使
滿眼驪

山

又

萬恨苦綿綿
舊約前歡
桃花溪畔柳陰間
幾度

六一司

汲古閣

日高春睡重繡戶深闌
樓外斜陽閒獨自憑
闌一重水隔一重山水
關山高人不見有淚無
言

又

今日北池遊漾漾輕舟
波光潏灩柳條柔如此
春來春又去白了人頭
好妓好歌喉不醉難
休勸君滿滿酌金甌
總使花時常病酒也是風
流

定風波

把酒花前欲問他對花何恁醉顏醜春到幾人
能爛噴何況無情風雨等閒多 豔樹香叢都
幾許朝暮惜紅愁粉奈情何好是金船浮玉浪
相向十分深送一聲歌

又

把酒花前欲問伊忍嫌金盞負春時紅豔不能
旬日看宜算須知開謝只相隨 蝶去蝶來猶

解戀難見回頭還是度年期莫候飲闌花已盡
方信無人堪與補殘枝

又

把酒花前欲問公對花何事訴金鐘爲甚去年
春甚處虛度鶯聲撩亂一場空今歲春來須
愛惜難得須知花面不長紅待得酒醒君不見
千片不隨流水卽隨風

又

把酒花前欲問君，世間何計可留春。縱使青春
畱得住，虛語無情。花對有情人，任是好花須
落去。自古紅顏，能得幾時新。暗想浮生何事好，
唯有清歌一曲，倒金樽。

又

過盡韶華不可添，小樓紅日下層簷。春睡覺來
情緒惡，寂寞莫楊花。撩亂拂珠簾。早是閒愁依
舊在，無奈那堪。更被宿醒兼。把酒送春惆悵甚。

六一詞

三十九

汲古閣

長恁年年三月病懨懨

又

對酒追歡莫負春春光歸去可饒人昨日紅芳
今綠樹已算殘花飛絮兩紛紛 粉面麗姝歌
窈窕清妙樽前信任醉醺醺不是狂心貪燕樂
自覺年來白髮滿頭新

驀山溪

新正初破三五銀蟾滿纖手染香羅剪紅蓮滿

城開遍樓臺上下歌管咽春風駕香輪停寶馬
只待金烏晚 帝城今夜羅綺誰爲伴應卜紫
姑神問歸期相思望斷天涯情緒對酒且開顏
春宵短春寒淺莫待金盃煥

浣溪沙

雲曳香綿彩柱高絳旗風颭出花梢一梭紅帶
往來拋 束素美人羞不打却嫌裙慢褪纖腰
日斜深院影空搖

又

堤上遊人逐画船
拍堤春水四垂天
綠楊樓外出鞦韆
白髮戴花君莫笑
六么催拍盞頻傳
人生何處似尊前

又

湖上朱橋響画輪
溶溶春水浸春雲
碧瑠璃滑淨無塵
當路遊絲縈醉客
隔花啼鳥喚行人
日斜歸去奈何春

又

葉底青青杏子垂枝頭薄薄柳綿飛日高深院
晚鶯啼 堪恨風流成薄倖斷無消息道歸期
托腮無語翠眉低

又

或入人珠玉詞
或入淮海詞

青杏園林煮酒香佳人初試薄羅裳柳絲搖曳
燕飛忙 乍雨乍晴花自落閒愁閒悶晝偏長
爲誰消瘦損容光

六一詞

汲古閣

又

紅粉佳人白玉盃
木蘭船穩棹歌催
綠荷風裏笑聲來
細雨輕煙籠草樹
斜橋曲水遶樓臺
夕陽高處画屏開

又

翠袖嬌鬟舞石州
兩行紅粉一時羞
新聲難逐管絃愁
白髮主人年未老
清時賢相望偏優
一尊風月爲公留

又

燈燼垂花月似霜薄簾映月兩交光酒醺紅粉
自生香 雙手舞餘拖翠袖一聲歌已酌金觴
休回嬌眼斷人腸

又

十載相逢酒一卮故人纔見便開眉老來遊舊
更同誰 浮世歌歡真易失宦途離合信難期
尊前莫憺醉如泥

御帶花

青春何處風光好帝里偏愛元夕萬重繒綵構
一屏峰嶺半空金碧寶檠銀缸耀絳幕龍虎騰
擲沙堤遠雕輪繡轂爭走五王宅 雍容熙熙
作畫會樂府神姬海洞仙客拽香搖翠稱執手
行歌錦街天陌月淡寒輕漸向曉漏聲寂寂當
年少狂心未已不醉怎歸得

虞美人

爐香晝永龍煙白風動金鸞額
画屏寒揜小山川睡容初起
枕痕圓墜花鈿樓高不及煙霄
半望盡相思眼豔陽剛愛挫
愁人故生芳草碧連雲怨王孫

鶴冲天

梅謝粉柳拖金香滿舊園林
養花天氣半晴陰花好却愁深
花無數愁無數花好却愁春去
戴花持酒祝東風千萬莫匆匆

夜行船

憶昔西都懽縱自別後有誰能共伊川山水洛
川花細尋思舊遊如夢 記今日相逢情愈重
愁聞唱画樓鐘動白髮天涯逢此景倒金尊殢
誰相送

又

滿眼東風飛絮催行色短亭春暮落花流水草
連雲看看是斷腸南浦 檀板未終人去去扁

舟在綠楊深處手把金尊難爲別更那聽亂鶯
疎雨

洛陽春

紅紗未曉黃鸝語蕙爐銷蘭炷錦屏羅幕護春
寒昨夜三更雨繡簾閒倚吹輕絮斂眉山無
緒看花拭淚向歸鴻問來處逢郎否

一叢花

向誤張
子野

傷春懷遠幾時窮無物似情濃離愁正恁牽絲

六一詞

亂更南陌飛絮濛濛
歸騎漸遙征塵不斷
何處認郎蹤
雙鴛池沼水溶溶
南北小橋通
梯橫
画閣黃昏後
又還是新月簾櫳
沉恨細思不如
桃李還解嫁春風

雨中花

千古都門行路
能使離歌聲苦
送盡行人花殘
春晚又到君東去
醉藉落花吹煖絮
多少曲堤芳樹
且攜手畱連良辰美景
畱作相思處

千秋歲

數聲鶗鴂又報芳菲歇
惜春更把殘紅折
雨輕風色暴
梅子青時節
永豐柳無人盡
日花飛雪
莫把絲絃撥
怨極絃能說
天不老情難絕
心似雙絲網
終有千千結
夜過也東窗未白殘燈滅

越溪春

三月十三寒食日
春色遍天涯
越溪閨苑繁華

地傍禁垣珠翠煙霞紅粉牆頭鞦韆影裏臨水
人家 歸來晚駐香車銀箭透窗紗有時三點
兩點雨霽朱門柳細風斜沉麝不燒金鴨冷籠
月照梨花

賀聖朝影

白雪梨花紅粉桃露華高垂楊慢舞綠絲條草
如袍 風過小池輕浪起似江皋千金莫惜買
香醪且陶陶

洞天春

鶯啼綠樹聲早檻外殘紅未埽露點真珠遍芳
草正簾幃清曉 鞦韆宅院悄悄又是清明過
了燕蝶輕狂柳絲撩亂春心多少

憶漢月

紅豔幾枝輕裊新被東風開了倚煙啼露爲誰
嬌故惹蝶憐蜂惱 多情遊賞處畱戀向綠叢
千繞酒闌歡罷不成歸腸斷月斜春老

清平樂

雨晴煙晚綠水新池滿雙燕飛來垂柳院小閣
畫簾高捲黃昏獨倚朱欄西南初月眉彎砌
下落花風起羅衣特地春寒

又

小庭春老碧砌紅萱草長憶小闌閒共遠攜手
綠叢含笑別來音信全乖舊期前事堪猜門
掩日斜人靜落花愁點青苔

應天長

舊刻三首攷綠槐陰裏黃鸝
語花間果刻韋莊今刪去

一彎初月臨鸞鏡
雲鬢鳳釵慵不整
珠簾淨重
樓迥惆悵落花風不定
綠煙低柳徑何處
轆轤金井昨夜更闌酒醒春愁勝却病

又

石城山下桃花綻
宿雨初晴雲未散
南去棹北
飛雁水濶山遙腸欲斷
倚樓情緒嬾惆悵春
心無限燕度蒹葭風晚欲歸愁滿面

涼州令

唐韋
莊

翠樹芳條颭的的裙腰初染佳人攜手弄芳菲
綠陰紅影共展雙紋簾插花照影窺鸞鑑只恐
芳容減不堪零落春晚青苔雨後深紅點一
去門闌掩重來却尋朱檻離離秋實弄輕霜嬌
紅脉脉似見胭脂臉人非事往眉空歛誰把佳
期賺芳心只願長依舊春風更放明年豔

南鄉子

翠密紅繁水國涼生未是寒雨打荷花珠不定
輕翻冷潑鴛鴦錦翅斑 盡日凭欄弄蕊拈花
仔細看偷得裏蹄新鑄樣無端藏在紅房豔粉
間

又

雨後斜陽細細風來細細香風定波平花映水
休藏照出輕盈半面粧 路隔秋江蓮子深深
隱翠房意在蓮心無問處難忘淚裏紅腮不記

行

鵲橋仙

月波清霽煙容明淡靈漢舊期還至鵲迎橋路
接天津映夾岸星榆點綴雲屏未卷仙雞催
曉腸斷去年情味多應天意不交長恁恐把歡
娛容易

芳草渡

梧桐落蓼花秋煙初冷雨纔收蕭條風物正堪

愁人去後多少恨在石頭 燕鴻遠羗笛怨渺
渺澄波一片山如黛月如鈎笙歌散夢魂斷倚
高樓



珠簾捲暮雲愁垂楊暗鎖青樓煙雨濛濛如画
輕風吹旋收 香斷錦屏新別人閒玉簫初秋
多少舊歡新恨書杳杳夢悠悠

更漏子

風帶寒枝正好，蘭蕙無端，老情悄悄。夢依依，離人殊未歸。寒羅幕，凭朱閣，不獨堪悲。搖落月東出，雁南飛，誰家夜搗衣。

摸魚兒

卷繡簾，梧桐秋院落。一霎雨添新綠。對小池閒立，殘粧淺，向晚水紋如縠。凝遠目，恨人去寂寂。鳳枕孤難宿。倚闌不足看燕拂。風簷蝶翻露草，兩雨長相逐。雙眉促，可惜年華，婉婉西風初

弄庭菊況伊家年少多情未已難拘束那堪更
趁涼景追尋甚處垂楊曲佳期過盡但不說歸
來多應忘了雲屏去時祝

少年遊

去年秋晚此園中攜手翫芳叢拈花嗅蕊惱煙
撩霧拚醉倚西風今年重對芳叢處追往事
又成空敲遍闌干向人無語惆悵滿枝紅

又

肉紅圓樣淺心黃被上巧如裝雨輕煙重無慘
天氣啼破曉來粧寒輕貼體風頭冷忍拋棄
向秋光不會深心爲誰惆悵回面恨斜陽

又

玉壺冰瑩獸爐灰人起繡簾開春鼓一夜六花
開盡不待剪刀催洛陽城闕中天起高下遍
樓臺絮亂風輕拂鞍靄袖歸路似章街

行香子

舞雪歌雲閒淡粧勻藍溪水染輕裙酒香醺臉
粉色生春更雅談話好情性美精神空江不
斷凌波何處向越橋邊青柳朱門斷鐘殘角又
送黃昏奈眼中淚心中事意中人

鷓鴣天

學画宮眉細細長芙蓉出水鬪新粧只知一笑
能傾國不信相看有斷腸雙黃鵠兩鴛鴦迢
迢雲水恨難忘早知今日長相憶不及從初莫

作雙

荆公嘗對客誦永叔小閣云五綵新絲纏
角粽金盤送生綃画扇盤雙鳳曰三十年
前見其全篇今才記三句乃永叔在李太
尉端愿席上所作十二月鼓子詞數問人
求之不可得嗚呼荆公之沒二紀余自永
平幕召還過武陵始得於州將李君誼追
恨荆公之不獲見也誼太尉猶子也□□

□□年中秋日金陵□□□記

政和丙申冬余還自京師過歙州太守濠
梁許君頌之席上見許君舉荆公所記三
句且云此詞才情有餘它人不能道也後
十二年建炎戊申偶得此本於長樂同宮
方君後四年辛亥紹興二月朔自尤谿避
盜宿龍爬以待二弟適無事謾錄于此

吏部

員外郎朱

松喬年

廬陵舊刻三卷且載樂譜于首今刪樂
譜滙為一卷凡他稿誤入心清尚恕款一
削去誤入他稿以增自強款一、注明然
集中更有浮艷傷雅不似公筆者先
筆云疑以傳疑可也古虞毛晉記

六一詞

終